

## Հաշվետվություն

2025 թվականի մայիսի 19-ից 21-ը Լատվիայի Հանրապետություն կատարած գործուղման արդյունքների մասին

### 1. Անունը, ազգանունը, զբաղեցրած պաշտոնը

Գևորգ Սարգսյան, Կադաստրի կոմիտեի ֆինանսատնտեսագիտական վարչության պետ-գլխավոր հաշվապահ:

### 2. Գործուղման վայրը և ժամկետները.

Ռիգա, մայիսի 19-ից 21-ը:

### 3. Հրավիրող կողմը.

Եվրոգեոգրաֆիքս ասոցիացիա:

### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

Մասնակցություն Եվրոգեոգրաֆիքս ասոցիացիայի գլխավոր ասամբլեային:

### 5. Քննարկված թեմաները.

Գլխավոր ասամբլեայի հիմնական թեմաներն էին.

- ✓ Ընդհանուր պատկերը՝ թվային փոխակերպում,
- ✓ Ապագայի տեսլականը. Եվրոգեոգրաֆիքսի հաջորդ 25 տարիները՝ ինտերակտիվ պանելային նիստ,
- ✓ Գլոբալ նավիգացիոն արբանյակային համակարգ,
- ✓ Կարողությունների զարգացման և հավասարության ու բազմազանության ապահովման մարտահրավեր,
- ✓ Մրցակցող քաղաքականության շարժիչ ուժեր,
- ✓ Տեխնոլոգիաները, որոնք գործում են ի օգուտ կամ ի վնաս ասոցիացիայի - արհեստական բանականություն և ապագայի միտումներ,
- ✓ Ազգային քարտեզագրության և կադաստրային գործակալությունների արձագանքը համաշխարհային մարտահրավերներին,
- ✓ Ասոցիացիայի տարեկան հաշվետվություն,
- ✓ 2025 թվականի գործառնական պլան,
- ✓ Կառավարման խորհրդի նոր անդամների ընտրություն,
- ✓ Անդամակցության ռազմավարություն, ինչպես նաև բյուջե և բաժանորդագրություններին առնչվող հարցեր:

**6. Հանդիպումները, ելույթները, բարձրացված կամ քննարկված հարցերը.**

Գլխավոր ասամբլեայի ընթացքում քննարկվել են օրակարգով նախատեսված մասնագիտական ոլորտին առնչվող հարցեր, ասոցիացիայի հետագա անելիքները, ներկայացվել է ասոցիացիայի տարեկան հաշվետվությունը, բաժանորդագրությունները, 2025 թվականի գործառնական պլանը և անդամակցության ռազմավարությունը:

Ներկայացվել են շնորհանդեսներ, որին հետևել են կլոր սեղանի ձևաչափով ինտերակտիվ քննարկումներ: Կադաստրի կոմիտեի պատվիրակությունը մասնակցել է վերոնշյալ քննարկումներին:

Անդրադարձ է կատարվել թվային փոխակերպման հարցերին, ասոցիացիայի ապագայի տեսլականին, գլոբալ նավիգացիոն արբանյակային համակարգին, կարողությունների զարգացման և հավասարության ու բազմազանության ապահովման մարտահրավերին, մրցակցող քաղաքականության շարժիչ ուժերին, արհեստական բանականությանը և ապագայի միտումներին, համաշխարհային մարտահրավերներին ազգային քարտեզագրության և կադաստրային գործակալությունների արձագանքին:

Հանդիպումներ են ունեցել մասնագիտական միջազգային կազմակերպությունների ներկայացուցիչների հետ, որի ընթացքում քննարկվել են Կադաստրի կոմիտեի անդամակցության հնարավորությունը այլ մասնագիտական կազմակերպություններին, նկատի ունենալով անդամակցության տարեկան վճարները և դրանից բխող արդյունքները:

**7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Գլխավոր ասամբլեայի շրջանակներում կարևորվել են անդամ պետությունների ներգրավվածությունը գեոդեզիայի կառավարման մեջ, գեոդեզիական արտադրանքի արդիական ճշգրտության և հավաստիության պահպանումը, մասնագիտական ոլորտներում պրոֆեսիոնալ աշխատուժի պահպանումն ու զարգացումը, գիտական կազմակերպությունների, արդյունաբերական ոլորտների և հասարակության կողմից գեոդեզիայի արժեքի ճիշտ ընկալումը: Առանձնակի կարևորվել է գեոդեզիայի, կրթության և գեոբրոքերի գաղափարը, որը զարգացման հեռանկարներ ունի:


**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Գլխավոր ասամբլեայի եզրափակիչ փուլում մասնակից երկրների պատվիրակները հայտնել են իրենց պատրաստակամությունը զարգացնելու երկկողմ և եռակողմ համագործակցությունը՝ գեոդեզիայի և քարտեզագրության ոլորտներում փորձի փոխանակման ուղղությամբ: Համաժողովի ընթացքում առանձնահատուկ կարևորվել են որոշ կետային հարցեր, որոնց շրջանակներում մասնակից պետական կառույցներին առաջարկվել է կենտրոնացնել ռեսուրսներ և ապահովել դրանց շարունակական զարգացումը, մասնավորապես՝

- Մասնագետների շարունակական վերապատրաստում. ապահովել այնպիսի միջավայր, որտեղ մասնագետները հնարավորություն կունենան կազմակերպել իրենց շարունակական կրթությունը:
- Գեոդեզիայի ուղղության վրա ռեսուրսների կենտրոնացումը. ապահովել գեոդեզիական մշտական գործող և կայուն տեղադրված տարբեր դասերի ցանցերի թարմացում, պահպանում՝ հաշվի առնելով ռեֆերենց կայանների ցանցերի խոցելիությունը:
- Դպրոցական կրթական համակարգում տարածական ՄՀՀ (GIS) տեխնոլոգիաների ներդրում և զարգացում, որը կնպաստի դպրոցական տարիքից աշակերտների՝ տարածական վերլուծությունների իրականացման մտահորիզոնի զարգացմանը:
- Իրականացնել տարածական և վիճակագրական տվյալների ինտեգրացիա, ինչը կխթանի ավելի արդյունավետ և թվային կառավարման իրականացմանը:

**9. Ստորագրությունը, ամսաթիվը:**

Գևորգ Սարգսյան



29.05.2025 թ.